

1260 (1259) März 8 Münster.

[30]

Wilhelm von Holte, Bischof von Münster, betr. den Zehnten in Ruthewick, ¹⁰³
Köpl. Otiervick.

Wilhelmus de Holte, Dei gratia ecclesiae Monasteriensis episcopus, omnibus in perpetuum. Notum facimus et tenore praesentium protestamur, quod nos Bernardo de Mersge cum consensu suorum haeredum vendente pro certa pecuniae quantitate religiosi viri praeposito et conventui monasterii in Varlare decimam domus in Ruthewick, sitae in parochia Osterwick, tredecim mensuras siliginis per mensuram Cosveldiensem et totidem denarios pariter in minuta decima annuatim solventem, quam idem Bernardus a Rodolpho de Meinhuvele milite, qui ipsam decimam a nobis immediate jure feudali tenuerat, deinceps jure tenebat eodem, dictam decimam libera ipsius resignatione a praefato milite facta nobis supradictis praeposito et conventui contulimus proprietario iure perpetuo possidendam. In cuius rei notitiam praesens scriptum hincinde conscriptum nostro sigillo fecimus communiri. Acta sunt haec Monasterii his praesentibus venerabilibus viris dominis Gerardo praeposito, Hermanno decano et Wilhelmo canonico Monasteriensi; item Macario praeposito, Richardo cellerario, Wilhelmo camerario et Arnolde plebano in Cosveldt, praedicti monasterii fratribus; item laicis: nobili viro Hermanno de Harstorpe, Frederico de Meinhuvele, Thiderico de Schonebecke, et Siberto Norendin militibus et aliis quam pluribus. Anno Domini millesimo ducentesimo quinquagesimo nono, feria secunda post dominicam Oculi mei, pontificatus nostri anno primo.

Kopie im Barlarer Kopiar S. 42/43.